

## NOTA DE PRENSA

### TPA ESTRENA LA NUEVA TEMPORADA DE “LA REVÁLIDA”

- *L'aula de “La Reválida” reabre les sos puertes en TPA.*
- *Cada selmana, trés asturianos bien conocíos van sentase nos sos pupitres pa enfrentase a los esámenes de los tiempos del colexu. ¿Qué nota sacarán? ¿Serán capaces d'aprobaloo too?*

**Xixón/Gijón, 25 de febrero de 2022**

Esti domingu, 27 de febreru, a les 21.45 horas, TPA va estrenar la segunda temporada del programa d'entretenimientu familiar “La Reválida”, un concursu nel que trés asturianos conocíos pol públicu van tratar de demostrar que son quien a superar los esámenes en conocimientos d'Educación Primaria y Educación Secundaria Obligatoria.

El concursu, cola presentación de l'actriz María Cotiello, va percorrer nesta edición la xeografía asturiana, de manera que cada selmana van ser los escolares d'un colexu invitáu los que formulen les distintes pruebes a los nuestos estudiantes. Otra de les novedaes del programa va ser la incorporación de dos pruebes nueves, “SEMEYA ESCONDIDA” y “L'AFORCÁU”, que se van xuntar a les cinco yá esistentes: “VUELTA AL COLE”, “¿SABES MÁS QUE...?”, “MAÑES Y HABILIDAES”, “¿QUÉ YE E.S.O?” y “LA REVÁLIDA”, pruebes que van tratar sobre les materies que s'imparten na educación obligatoria n'España y con una dificultá que va dir aumentando pasu ente pasu.

Nesta ocasión, los pupitres de “La Reválida” van ocupalos artistes como Rodrigo Cuevas, David Feito, Tina Gutiérrez, José Manuel Tejedor o Ramón Blanco “Mon”;

grandes deportistes como los futbolistes Eloy Olalla y Jaime Jordán, la ciclista Aida Nuño o la subcampeona mundial de tiru al platu Beatriz Martínez; personalidaes del mundu de la gastronomía, la interpretación o la comunicación y tres conocíos exconcurantes d'El Picu. Toos ellos van lluchar por consiguir aprobar “La Reválida”. El ganador/a de cada programa va ser l'encargáu de decidir a qué entidá o causa solidaria quier apurrir el premiu.

A partir del 27 de febrero, cada domingu, a partir de les 21:45 hores, ponémoste a prueba en “La Reválida”, un concursu pa divertise y siguir recordando y deprendiendo, que cuenta col sofitu de la Dirección Xeneral de Política Llingüística y la collaboración de l'Academia de la Llingua Asturiana y Ediciones Trabe.